



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Angela De Fvlginio, In Qvo Ostenditur Nobis vera via qua  
possumus sequi vestigia nostri Redemptoris**

**Angela <de Fulginio>**

**Parisiis, 1598**

c. 59. De prima societate quæ dominum nostrum Iesum Christum  
associauit vsque ad mortem, quæ fuit summa paupertas.

**urn:nbn:de:hbz:466:1-43716**

Prima Quinquagesimum nonum capitulum.  
 societas De prima societate quæ Dominum  
 Domini nostrum Iesum Christum associavit  
 vsque ad mortem, quæ fuit summa  
 mortem. paupertas.

**S**OCIETAS igitur prima Ie-  
 su Christi libri vitæ, & salutis  
 nostræ fuit continua & summa  
 & perfectissima paupertas, & ista  
 fuit tribus modis, vna grandis,  
 alia maior coniuncta cum prima,  
 sed tertia coniuncta cum prima,  
 & secunda fuit perfectissima.

Prima Primus igitur gradus perfectissi-  
 pauper- mæ paupertatis Christi qui est li-  
 tas Cbri- ber & via & magister animæ fuit,  
 sti. quia voluit esse pauper omnium

Tribus rerum temporalium istius mun-  
 modis do di, ita quod non habuit nec ter-  
 minus in ram nec vineam nec hortum,  
 hoc mun nec aliquam possessionem, nec  
 do ha- aurum, nec argentum, nec pecu-  
 buit pau niam, nec vllam rem propriam,  
 pertatem nec recepit, nec recipere voluit  
 perfectis de rebus mundi huius, nisi ad  
 sumam,

*id est de summa paupertate.* 261

subleuandum extremam indigentiam vite sue corporalis, cum fame & siti & penuria, frigore & calore, cum multo labore & austeritate & durtia, nec de rebus delicatis & exquisitis necessitates corporis recipere voluit, sed de rebus grossis & communibus, quae secundum loca & tempus inueniebantur in illa prouincia in qua Christus sine domo & habitaculo mendicans stabat & uiuat.

*Nota  
extremā  
indigentiam.*

Secunda paupertas Christi fuit maior quam prima, quia voluit viuere & esse pauper amicorum & consanguineorum, & omnis familiaritatis magnorum & potentum, & omnis amicitiae temporalis, ita quod nec aliquem amicū habuit, nec habere voluit, nec ex parte matris, nec ex parte Ioseph patris putatiui, nec ex parte discipulorū, nec quorumcūque amicorum, propter quem fuerit sibi dimissa vna alapa, nec vnus ictus martelli, nec flagelli,

*Secunda  
pauper-  
tas Chri-  
sti.*

*Nota.*

nec vnum verbum iniuriosum:  
 & nasci voluit de matre pauper-  
 rima & humillima, & educari sub  
 patre putatio carpentario pau-  
 pere, & se expoliauit amore &  
 familiaritate regum, potentum  
 & pontificum, & scribarum, &  
 amore amicorum & consangui-  
 neorū, ita quod nec pro matre,  
 nec consanguineo, nec pro quo-  
 cunque dimittere voluit aliquid,  
 quod placeret vel placere posset  
 voluntati patris sui altissimi.

*Tertia*  
*pauper-*  
*tas Chri-*  
*sti. spo-*  
*lians se*  
*seipso sci-*  
*licet po-*  
*tentia.*

Tertia paupertas & summa  
 fuit, quod expoliauit semetipsū  
 seipso, cum Christus pauperem  
 se ostendit in potentia. Et primo  
 quod fecit se pauperem & in-  
 opem suæ potentię propriæ, cum  
 enim ipse esset omnipotentissi-  
 mus cui nihil erat impossibile,  
 voluit apparere & viuere in isto  
 mundo sicut impotens, sicut in-  
 firmus & debilis homo, ipse e-  
 nim præter miseras humanas,  
 puerilem infantiam & alias infi-  
 nitas debilitates, quas propter

*id est de summa paupertate.* 263

nos assumpsit, præter culpam & peccatum debilis apparuit & vixit. Fuit enim fatigatus ex itineribus, & prædicationibus, & curationibus, ex visitationibus, ex opprobrijs. Et quod plus est, non solum homines peccatores in eum potestatem acceperunt, im-

*Non solum à rationabili-  
bus creaturis sed alijs insensibili-  
bus pati voluit, & agere in eum.*

mo omnia elementa & corpora insensibilia sibi passionem & afflictionem inferendi ab eo qui ipsa creauerat, potestatem acceperunt, & ipse tanquam impotens non resistebat, sed omnia (vt homo impotens resistere) propter nos tolerabat.

Dedit enim potestatem illis spinis intrâdi & perforandi crudelissimè illud tremebundum & diuinissimum caput eius. Dedit potestatem illis vinculis & ligaturis stringendi & tenēdi eum cum columna & vnâ manum cum alia, qui terram in sua morte concussit. Dedit velo, vt velaret eum qui est vera lux & verum lumen illuminans omnia. Dedit

264 *De prima societate Iesu*  
flagellis, vt durissime verberarent eum. Dedit clavis potestatem perforandi & intrandi in suis manibus & pedibus, quibus cœcos illuminauerat & surdis auditum reddiderat. Dedit cruci vt eum cruentatum, verberatum & perforatum suspendendo sustentaret, & eum nudum omnibus exponeret, & tandem mortem crudelissimam ibidem toleraret. Dedit aceto & felli vt os eius amaricaret. Dedit lanceam, vt intraret & aperiret & perforaret (quod stupendum est audire) illud diuinissimum latus & cor & viscera eius, vt sanguinem & aquam de visceribus eius & cordis penentralibus effunderet super terram. Dedit crucifixoribus militibus, iudæis, pilato & alijs nequissimis potestatem vt ipsum iudicarent, accusarent, blasphemarent, sibi insultarent, verberarent, deriderent, & eum interficerent, qui solo verbo omnia impedire poterat, aut solo nutu

*id est de summa paupertate.* 265

nutu omnia subuertere & annihilare, aut vni Angelo minimo suo de infinitis milibus potestatum & virtutum suarum impetare, vt hæc omnia vno impetu proijceret in profundum maris. Nisi enim ipse potestatem dedisset, & se passibilem & infirmum exhibuisset, proculdubio nulla creatura potuisset, immo horruisset molestiam suo creatori irrogare. Quid plura? elementis, frigori, calori, fami, siti se subiecit & alijs creaturis insensibilibus, & potentiam suam occultauit, & se in apparentia hominum spoliavit, vt nos miseros, mortales & passibiles de patientia sub tribulationibus habenda informaret, vt hominem qui potestate se priuauerat redimeret, & per gloriam resurrectionis impassibilem efficeret & inuictū. Et quod amplius est, dedit potestatem diabolo super se vt eum tentaret, & circumduceret, & cum membris suis pessimis hominibus ipsum vsque

*Qui patienter tulit de omnibus creaturis suis inuitat nos ad omnem patientiam.*

M

mortem persequeretur, vt hominem de eius potestate liberaret. Passibilem igitur se exhibuit inuictus Dominus & omnium primum agens, & impotētem creator omnium, & debilem Rex fortissimus se fecit, nec repulit, sed subiecit se diabolo, creaturis insensibilibus, & omnibus tribulationibus, & iniurijs, omnibus pœnis, omni dolori & afflictioni. In hoc cōfundens nos miserandos, qui sic delicati esse volumus, vt non solum tribulationes, neq; pœnitentiam spontaneè non assumamus, verum etiam afflictiones & tribulationes ex ordinatione Dei nobis contingentes, quantum possumus repellimus, & contra Deum omnipotentem nequissimè murmuramus.

*Spoliauit se  
Christus  
secundo  
seipso,  
scilicet  
sapientia.*

Secundo modo se expoliavit seipso, & pauperē fecit sua propria sapientia: voluit enim Dominus noster Iesus Christus apparere vt simplex homo, & ignorans, & insipiens, & fatuus inter

*id est de summa paupertate. 267*

omnes homines mundi, & non  
voluit etiam apparere vt philo-  
sophus, vel doctor verbosus, aut  
disputator ampulosus, vel scri-  
ba, vel famosus in scientia vel sa-  
pientia gloriosus, sed in veritate  
humili conuersando, & simplici-  
tate & summa mansuetudine in-  
ter homines conuersabatur, in  
virtute vitæ virtutū & miraculo-  
rum viam veritatis ostendendo.  
Cum enim ipse sit sapientia Dei  
patris, & scientiarū Dominus &  
prophetarū factor & inspirator,  
potuit scientiarū & rationū sub-  
tilitatib<sup>9</sup> & ingenio vti, & se ostē-  
dere, & gloriosū facere si voluis-  
set, sed sic simpliciter veritatem  
protulit, vt quasi ab omnibus nō  
solum simplex & idiota, sed insi-  
piens & fatuus & blasphemus re-  
putaretur. Viam veritatis nobis  
ostēdens, quod nō de sciētia seu  
sapiētia gloriari debemus, neque *Christ.*  
ipsa inflati velimus coram homi- *exemplo*  
nibus nomen magisterij acquire- *de sapiē-*  
re, seu vanam gloriā manducare. *tia non*  
*gloriari.*

M ij

*Tertia  
spoliatio  
Christi  
seipso sei  
licet fa-  
ma.*

Tertio se expoliauit seipso, & pauperem fecit sua fama sanctitatis & bonitatis & innocentiae, quod mirabilissimum est. Voluit enim sic tenere viam mysticè, vt quasi ab omnibus nō solum non haberetur vt sanctus sed vt peccator, & peccatorum amicus, & sicut proditor & seductor, & patriæ conspirator, & blasphemus reputari, & inter latrones & iniquos condemnari & numerari voluit, dum tamē salutem nostrā operari posset in medio terræ. Potuit enim sibi acquirere famā sanctitatis, vt ab omnibus vniuersaliter ipse sanctus sanctorū tanquam sanctus haberetur, vtpote qui nunquam peccatum fecit, sed peccata omnia tulit, & quod Ioanni Baptistæ quantum ad famam sanctitatis suo seruo dederat, ipse sanctorum summus & rex virtutū sibi inter omnes homines retineret. Sed hoc fecit & fama sanctitatis (salua veritate doctrinæ vitæ & iustitiæ) se ex-

*Exem-  
plū Chri-  
sti contra  
hypo-  
chritas.*

*id est de summa paupertate.* 269  
poliare, & pauperem facere voluit, vt nostram hypocritism refutaret, qui etiam de his bonis, quæ nec habemus nec facimus, gloriam coram hominibus quærimus, & famam sanctitatis & innocentia, nos de malis falsè excusando, & bona opera mendaciter arrogando per fas & nefas quantum possumus nitimur vendicare.

Quarto expoliavit semetipsum *Quarta*  
seipso, suo videlicet imperio & *spoliatio*  
principatu omnium rerum & do- *Christi*  
minationum quas habebat. Cum *seipso scilicet suo*  
enim esset rex regum & Domi- *imperio.*  
nus dominantium, & rex cuius  
regni non est finis, ipse inter omnes homines vivere, & esse voluit, sicut seruus deiectus & venditus & empticius. Nec cum eum vellent facere regem, rex esse voluit, sed regibus impijssimis semper vsque ad mortem subiectus, & obediens in ijs quæ petebant, vectigalia scilicet soluendo esse voluit: curijs & iudicijs, & gra-

M. iij.

uaminibus eorum parendo, & se  
subijciendo. Et non solum regi-  
bus, immo etiam vilissimis seruis,  
& clientibus & ministris eorum  
semper obediens fuit usque ad  
verbera & mortē crucis. Et ipse  
rex regum, regnum suum de hoc  
mundo non esse, coram pilato  
asseruit, quia de regno & domi-  
natione huius mundi temporali  
inter homines non curabat, sed  
semper subiectus esse volebat, &  
non dominus, neque rex, prin-  
ceps, sed seruus humillimus se-  
metipsum totaliter exinaniuit.  
Subiectus etiam fuit suæ humil-  
limæ & pauperrimæ matri & pa-  
tri putatiuo, eis usque ad tricesi-  
mum annū humiliter obsequen-  
do & seruiendo. Nec inter disci-  
pulos quos paucos & ignobiles,  
& pauperrimos elegit, nec ut rex  
nec ut Dominus esse voluit, sed  
asseruit quod venerat ministra-  
re, non ministrari, donec daret  
animam suam pro ipsis & cæteris  
peccatoribus redimendis. Qui-

*id est de summa paupertate.* 271  
nimo eis discipulis pauperrimis  
in miserijs caput & magister exi-  
stens primus esuriebat & sitie-  
bat, & tribulabatur; non enim  
fuit magister eorum, quatenus  
primatum inter eos quæreret,  
sed vt primus inter eos afflictio-  
nem & deiectionem sustineret,  
& tantū inter eos humiliter fuit  
conuersatus, quod eis in mensa  
ministrauit, & pedes eorum, &  
manus lauit. O immensa nostra  
dementia qui post talem ac tan-  
tum dominum & regem regum,  
& ignominiosū inter homines,  
& contemptum, nos ad dignita-  
tes, & prælationes continuè as-  
piramus, libertatem volentes, &  
sine iugo viuentes, nulli amore  
eius subiecti, nec obedientes esse  
volumus, sed supra alios quantū  
possumus volumus præsidere.  
Non sic, non sic tu Christe face-  
re voluisti, sciens quod durissi-  
mum iudicium fiet his qui præ-  
sunt, & potentes potenter tor-  
menta patientur, & de vita &

M iij

272      *De prima societate Iesu*  
regimine, & de peccatis eorum  
subditorum strictissima ratio exi-  
getur. Confundat igitur hic liber  
vuius, in se nobis exemplum præ-  
ferens, superbiam nostram, &  
semper (sicut ipse) subiecti præ-  
sidentibus esse velimus, nostram  
voluntatem nullatenus retinen-  
tes, sed amore eius qui omnibus  
propter nos subiectus fuit, &  
esse voluit, & propter nostram  
securitatem statum subiectionis  
non solum toleremus, sed præla-  
tiones fugientes, subiectionem  
& statum humilē ex corde cum  
magno desiderio requiramus.  
Hæc est igitur summa, & conti-  
nua & perfectissima paupertas  
Dei hominis Iesu Christi omniū  
saluatoris, qui quamuis diuitia-  
rum Dominus existeret, pauper-  
rimus inter nos esse voluit, ut  
nos ad amorem paupertatis pro-  
uocaret. Pauper enim fuit re, vo-  
luntate & spiritu super omnem  
creaturæ æstimationem, propter  
infiniitissimum, & dulcissimum

*id est de summa paupertate.* 273

amorem quo nos dilexit: pauper  
inquam, & inops, mendicus. In  
rebus temporalibus pauper &  
in amicis, pauper in potentia,  
pauper in sapientia mundana,  
pauper in fama sanctitatis, pau-  
per in statu dignitatis, pauper in  
omnibus existens, paupertatem  
prædicavit, & pauperes beatos  
esse asseruit, & mundi iudices  
affuturos: diuites condemnauit,  
& diuitias, & abundantias præ-  
dictas esse contemnendas re,  
verbo, conuersatione, & exem-  
plo totis viribus prædicavit. Sed  
heu prohdolor, sed heu prohpudor,  
hæc paupertas spiritus  
hodie est expulsa, & quasi ab  
omnibus est fugata, & (quod est  
deestabilius) ab illis qui in hoc  
libro vitæ legunt & intelligunt,  
& hanc paupertatem prædicant  
& glorificant, hæc paupertas re,  
voluntate, studio, & facto tota-  
liter expugnatur. Hanc enim  
paupertatem mundus odit, Chri-  
stus autem diligit, & elegit pro

M v

274 *De prima societate Jesu*  
se & pro suis, ipsamque beatiffi-  
mam statuendo. Sed quis homo,  
quæ mulier, quæ creatura hodie  
dicere posset, quod sit sociata  
tali societati, tam gloriosæ sicut  
Christus voluit esse sociatus?  
Beatus est ille qui in sua pœni-  
tencia in mundo isto, exemplo  
Christi ipsam elegit. Heu me,  
heu me scimus, audiuius, fir-  
miter tenemus, qualiter filius  
Dei Creator noster & Redem-  
ptor, magister & illuminator,  
& exemplum nobis factus, quali  
cibo & potu satiatus, qualiter  
fuit indutus, qualibus vestibus  
adornatus, qualibus cameris &  
palacijs hospitatus, quali fami-  
lia & amicis stipatus, qualibus  
studijs & scientijs mancipatus,  
& sic de alijs bonis huius mundi,  
& tamen Christianos esse nos di-  
cimus, & nominari volumus,  
post Christum pauperes nulla-  
tenus de facto esse volentes, ne-  
que sibi assimilari desiderantes,  
quamquam verbis dicamus, eius

*Nota.*

*id est de summa paupertate.* 275  
statum & paupertatem beatifi-  
cantes, re autem & facto Christi  
statum & perfectionem suæ pau-  
pertatis detestantes. Væ nobis  
qui post tantum exemplum, do-  
ctorem, & magistrum de facto  
tantam salutem repellimus, &  
ab eius statu & doctrina, sumus  
post abundantias temporales er-  
rantes, & vacui finaliter rema-  
nentes. Et ideo nostra pœni-  
tentia, & status Christianitatis  
non vadit per rectam viam Iesu  
Christi, immo turpiter deuiat  
ab eadem. Beatus autem &  
verè beatus ( vt ipse etiam as- <sup>Qui bea-</sup>  
seruit) est & erit qui paupertate <sup>ti pau-</sup>  
tem omnium rerum prædicta- <sup>peres.</sup>  
rum diligit, qui de facto non  
solum verbo pauper esse vult in  
rebus temporalibus, & amici-  
tijs, & familiaritatibus, in dele-  
ctatione, varia scientia, & cu-  
riositatibus, & fama sanctitatis,  
& omnis prælationis & dignita-  
tis: quod si non potest quis se-

M vj

276 *De prima societate Iesu*  
totaliter à prædictis spoliare,  
saltem deponat affectiones re-  
rum prædictarum quantum po-  
test, verè enim beatus talis pau-  
per, quoniam ipse est regnum  
cælorum. Et qui contrarium  
fecerit de facto, quicquid de  
verbo prædicauerit, & sermo-  
cinatus fuerit, infœlix & male-  
dictus, quoniam ipse est ex-  
trema paupertas, & perpetua  
esuries domorum inferorum,  
vbi perpetua fames & sitis, vbi  
nec amicus, nec frater, nec pa-  
ter redimere, nec iuuare poterit,  
nec euadendi potentia aderit,  
nec sapientia mundana valebit,  
sed omnibus his priuabitur de  
facto, qui de facto hæc contra  
doctrinam Christi obtinere vo-  
luit, & cruciabitur in perpetua  
secula seculorum.

*Diuites  
mundi  
quã pau-  
pertatem  
in alio  
sint ha-  
bituri.*